



Արարատյան բակլավրիատի քննական կենտրոն
ԱԲ ավագ դպրոցի ընդունելության քննություններ

ԳՐԱԿԱՆՈՒԹՅՈՒՆ

Քննաշրջան՝ 2017 թ., ապրիլ
Տևողություն՝ 1 ժամ 15 րոպե
Հավելյալ նյութ՝ Պատասխանների գրքույկ

ՈՒՇԱԴԻՐ ԿԱՐԴԱԼ ԱՅՍ ՈՒՂԵՑՈՒՅՑԸ

Անհրաժեշտ է հետևել Պատասխանների գրքույկի կազմին գրված ցուցումներին:

Գրել մուգ կապույտ կամ սև գրիչով:

Պետք է պատասխանել բոլոր հարցերին:

Քննության վերջում բոլոր թղթերը հավաքել և հանձնել մեկ տրցակով:

Յուրաքանչյուր հարցի հնարավոր առավելագույն միավորը նշված է հարցի վերջում աջ կողմում:

Հարցերի միավորների ընդհանուր քանակը 32 է:

Այս փաստաթուղթը բաղկացած է 2 տպագիր էջից:

Միրելի՛ դիմորդ, քեզ ներկայացվող հատվածը Խաչատուր Աբովյանի «Վերք Հայաստանի» վեպի «Հառաջաբան»-ից է: Կարդա՛ այն և պատասխանի՛ր հարցերին:

Միտք էի անում, որ գիժն էլ էս չի՛ անիլ: Էլի Եսպես, մտքիս հետ ընկած՝ շատ անգամ որ դոնադ էի գնում յա քաղաքովն անց կենում, ուշ ու միտքս հավաքում էի, թե տեսիմ՝ խալիսը խոսալիս, քե՛՛ք անելիս ի՞նչ բանից ա ավելի հազ անում: Շատ անգամ տեսնում էի, որ մեյդանում, փողոցում մեկ քոռ աշըղի Է՛նպես են հայիլ-մայիլ մնացել ու կանգնել, ականջ դնում, փող բաշխում նրան, որ բերնըների ջուրը գնում էր: Մեջլիս ու հարսանիք հո, առանց սագանդարի ե՛րբ հացը կուլ կերթար: Ասածները թուրքերեն էր, շատը մեկ բառ էլա չէ՛ր հասկանում, ամա լսողի, տեսնողի հոգին գնում էր դրախտը, ետ գալիս: Միտք արի, միտք արի, մեկ օր էլ ասեցի ինձ ու ինձ. արի՛, քո քերականություն, ճարտասանություն, տրամաբանություն ծալի՛ր, դրադ դի՛ր ու մեկ աշըղ էլ դու դա՛ւ, ինչ կըլի՛ կըլի, խանչալիդ քարը հո վեր չի՞ ընկնիլ, գամ վարադդ հո չի՞ գնալ: Մեկ օր էլ դու վեր կընկնիս, կմեռնիս, մեկ ողորմի ասող էլ չե՛ս ունենալ: Մեկ բարիկենդանի, աշակերտներս որ բաց թողի, սկսեցի, ինչ որ երեխությունիցս լսած կամ տեսած բան գիտեի, տակ ու գլուխ անիլ: Վերջը իմ ջիվան Աղասին միտս ընկավ, նրա հետ հարիր քաջ հայի տղերք էլ իրանց գլուխը բարձրացրին, ու ամենն էլ ուզում էին, որ իրանց ոտը գնամ: Մյուսները մեծ-մեծ մարդիկ էին, շատն էլ դեռ հլա սաղ-սալամաթ, փառք Աստուծո, Աղասին՝ աղքատ ու մեռած, նրա սո՛ւրբ գերեզմանին դուրբան: Ասեցի՝ կեղծավորություն չանեմ, նրան ընտրեցի: Միտս Էկել էր, բերնիս հասել: Տեսնում էի, որ էլ հայի գիրք ձեռն առնող, էլ հայի լեզուն խոսող քիչ ա գտնվում: Մեկ ազգի պահողն էլ լեզուն ա ու հավատը, թե սրանց էլ կորցնենք, վա՛յն Էկել ա մեր օրին: Հայոց լեզուն առաջիս փախչում էր Կրեսոսի նման. երեսուն տարվա փակ բերանս Աղասին բաց արեց:

- 1. Աբովյանը «Վերք Հայաստանին» բնորոշել է որպես պատմական վեպ: Բացատրի՛ր, թե ինչ է պատմական վեպը: 2 միավոր
- 2. Վեպն ունի դիպաշար. բացատրի՛ր, թե ինչ է դիպաշարը. թվարկի՛ր դիպաշարի 5 բաղկացուցիչ մասերը: 4 միավոր
- 3. Աբովյանը «Վերք Հայաստանի» վեպը ի՞նչ լեզվով է գրել և ինչո՞ւ: Պատասխանդ հիմնավորի՛ր: 4 միավոր
- 4. «Հառաջաբանի» այս հատվածում Աբովյանը անդրադառնում է ժամանակի գրականության համար կարևոր մի հիմնահարցի: Ո՞րն է այդ հիմնահարցը. ներկայացրո՛ւ այն և մեկնաբանի՛ր: 5 միավոր
- 5. Հատվածի համար գրի՛ր ամփոփում. քո բառերով շարադրի՛ր, թե ինչ է ասվում այդ հատվածում: Ամփոփման մեջ ներառի՛ր նաև քո մեկնաբանությունը: 6 միավոր
- 6. Մեկնաբանի՛ր հեղինակի՝ թևավոր խոսք դարձած այս միտքը. «Մեկ ազգի պահողն էլ լեզուն ա ու հավատը, թե սրանց էլ կորցնենք, վա՛յն Էկել ա մեր օրին»: 5 միավոր
- 7. Ինչո՞ւ է հեղինակն ուզում աշուղ դառնալ: Պատասխանդ հիմնավորի՛ր: 4 միավոր
- 8. Հատվածից դո՛ւրս գրի՛ր մեկ համեմատություն և մեկ մակդիր: 2 միավոր